

坟山图说

稽之朱子有五不葬之说斯固营葬之极则也近世徂于风水或躐履檐簷不辞跋涉或穷年积月不憚搜寻期获一吉穴以为百世无穷之利噫是惑也所谓莹墓者原以妥先灵非以图福荫如吉穴可求是谓发富发贵之徵验之地理为有据而降祥降殃之说准之天道为无凭也有是理乎夫先人之墓固不可忽至有年湮代远已失于前人復强求于后人者往往因争坟而構讼而倾家不可悉数想先人在天之灵必不乐子孙为此倾家之举为子孙者亦何乐而为此乎且所争之坟必曰是某公也是某妣也果争之而实为某公某妣其仁孝可称否则谓他人父谓他人母不惟诬先人也即其自欺也亦实甚矣为人子者于先人之墓惟挂祭必躬亲倾圯必修筑崇其封垅无使践踏树之碑碣以示不忘庶他日无墓拜汾阳之惨呜呼是亦足矣

